

tiorumque pulsantium observare gestiunt, oportet A sanctas ore volventes, sed has erratico et gentili primo ipsi cor sum et actus ab omni errorum labe sensu interpretantes.

CAPUT XXXVII.

Nehemias ab uxoribus alienigenis mundat Judæos, et constituit ordines sacerdotum ac Levitarum, unumquemque in ministerio suo; et tandem memoriae se Dei commendat in bonum.

Sed et in diebus illis vidi Judæos ducentes uxores Azotidas, etc. Et nunc in sancta Ecclesia uxores ducunt alienigenas, quicunque oblationibus scelerum, quæ ad gentiles proprie pertinent, suam conscientiam attaminant. Filiique ex his nati ne sciunt loqui Judaice, cum opera quæ ex mente vitia prodierant, nil in se pia professionis ostendunt; sed gentilem potius stultitiam, quam ecclesiasticam sonant castitatem. Azotus enim, quæ Hebreice dicitur Asdod, interpretatur ignis verbum. Ideoque juxta tropologicum sensum, Azotice loquuntur filii de alienigenis nati uxoribus, cum opera per lasciviam procreata ultiōnem exspectant æternæ combustionis. Unde merito talium genitores a Nehemia non solum objurgati ac maledicti, sed et quidam sunt cœsi; quia necesse est errantes a doctoribus veritatis acris coerceantur, quatenus a verbo ignis utoris, ad verbum divinæ laudationis discant felici mutatione transferri. Sed et hæretici cum gentilis philosophiæ, dialecticæ ac rhetoricae studiis amplius quam ecclesiasticae simplicitati operam dant, non mirandum si auditores eorum juxta linguam populi, et populi loquantur, Scripturas quidem

Igitur mundari eos ab omnibus alienigenis, etc. Aptius per omnia finis et condignus adificationi sanctæ civitatis ac templi Domini, ut emundatis civibus ab omni sorde externæ et alienæ a Deo pollutionis, ordines sacerdotum ac Levitarum ministerio suo rite custodiantur; quatenus institutum regaliter magistri Ecclesiæ, et castigatum ab omni peccato populum permanere in bono, in reliquo et crescere semper exhortentur; qui videlicet populus, inter alia, Domino ligna offert ad ignem altaris nutriendum, cum opera virtutum utique divina consecratione digna operatur. Nisi enim ligna aliquoties boni aliquid figurarent, non diceret propheta: *Tunc exultabunt omnia ligna silvarum ante faciem Domini (Psal. xcvi).* Ardent autem ligna, et consumuntur in altari holocaustorum, cum in cordibus doctorum opera justitiae flamma charitatis perficiuntur. Merito ergo talis conditor et dedicator civitatis, post multos devotionis suæ labores, memorie se sui Creatoris ac Lægitoris omnium bonorum commendat. Et tu, summe Pater lumen, a quo omne datum optimum et omne donum perfectum descendit; qui mihi humillimo servorum tuorum et amorem dedisti, et auxilium considerandi mirabilia de lege tua; quique in thesauro prophetici voluminis, non solum vetera amplectendi, verum et nova sublevatione veterum donaria inveniendi, atque in usus conservorum meorum proserendi, indigno mihi gratiam præstis, memento mei, Deus meus, in bonum (Jac. 1).

IN LIBRUM B. PATRIS TOBIAE ALLEGORICA INTERPRETATIO.

Liber sancti Patris Tobiae, et in superficie litteræ salubris patet legentibus, ut pote qui maximis virtutis moralis et exemplis abundat et monitis. Et si quis eumdem etiam allegorice novit interpretari, quantum poma solis, tantum interiorum ejus sensum videt simplicitati litteræ præstare. Maxima namque Christi et Ecclesiæ sacramenta, si spiritualiter intelligitur, in se continere probatur. Siquidem ipse Tobias populum Israel designat, qui, cunctis gentibus idolatriæ deditis, ipse serviebat Deo fide recta et operibus justis, sicut de Tobia legitur.

(Tob. 1.) *Quia cum irent omnes ad vitulos aureos, etc. Jeroboam quippe, qui ad deceptionem subditorum sibi vitulos fabricavit aureos, idolatriæ auctorem exprimit.*

Et quidem captus erat Tobias... viam veritatis non deseruit. Hæc captivitas a rege Assyriorum facta illam generis humani captivitatem designat, qua per regem omnium pravorum, hoc est diabolum, de patriæ coelestis est habitatione projectum, et in

hujus exsilio peregrinationem transmigratum est.

Impertiebatur Tobias cuncta quæ habere poterat. quotidie cum captiis fratribus, etc. Et populus Israel in doctoribus suis, verbi Dei eleemosynam non solum rudibus suæ gentis auditoribus, sed et his qui ex nationibus in ritum conversationis eorum converti volebant, ministrabat. Quidquid enim naturalis boni habere poterat, quæ non ab hoste captivante tolleretur, totum hoc suis in exemplum virtutis ostendebat. Sed et portionem semper aliquam scientiæ salutaris etiam gentilibus dabat; quod est decimationem suæ substantiæ Tobiam advenis ministrare.

Tobias postquam factus est vir, accepit uxorem Ananiam ex tribu sua, etc. Et populus idem, postquam adolevit et amplificatus in Ægypto, accepit synagogam cœremoniis legalibus institutam per Moysen.

Genuit ex ea filium, etc. Quia Christum ex smegene nasciturum esse cognovit, dicente Moyse: Prophetam suscitabit vobis Deus noster de fratribus

ventris, tanquam meipsum audietis (*Deut. xviii*). Et Dominus ad David: *De fructu ventris tui ponam super sedem meam* (*Psalm. cxxxii*). Cui nomen suum impo-
suit, credendo et confitendo, quod dicit de illo pa-
ter: *Ei ego primogenitum ponam illum* (*Psalm. lxxxviii*). Sicut de ipso populo dicit, *Filius meus
primogenitus Israel* (*Exodus. iv*).

Quem ab infancia timere Deum docuit, etc. Creden-
do et confitendo, quia peccatum non faceret, nec
inveniretur dolus in ore ejus, sed impleret eum spi-
ritus timoris Domini.

*Tobias Gabelo contribuli suo agenti dedit sub chiro-
grapho decem talenta argenti.* Et populus Dei genti-
bus per LXX Interpretes divinitate legis, quæ in De-
calogio continetur, scientiam commisit, ut per hoc
eas ab infidelitatis egestate liberaretur. Sub chirogra-
pho autem dedit, id est sub conditione restituendi,
postquam ipse ditesceret, vel qui dederat repeteret.
Accepterunt autem gentes verbum Dei a populo
Israel per interpretationem, quod post incarnationem
dominicam etiam spiritualiter nunc intelligunt, et
ad conquireendas virtutum divitias excent; redduant
vero feneratori, cum credentes in fine saeculi Iudeos
in unitatem Ecclesiae recipiunt, eisque salvandis
Christi sacramenta committant, et Scripturarum
quoque reserant arcana.

*Jabetur Tobias a rege occidi, et tolli omnem sub-
stantiam ejus propter bona quæ fecit, etc.* Et diabolus
satagebat populum Dei per idolatriam spirituali
morte perimere, et ei cunctas virtutum opes au-
ferre, nec valuit; quia multi erant in eo sancti
doctores, qui ejus vitæ providerent ac salutem.

Fugit autem cum filio et uxore. Quia nec fidem
dominicæ incarnationis, nec statum synagogæ po-
tuit hostis auferre, quanvis violenter insisteret qui
in Machabæorum agnibus multum claruit.

*Sed occiso rege a filii suis, restituta sunt cuncta
sua Tobias.* Quia superato sepius diabolo, ac suis
sceleribus, quæ velut pessimam prolem genuit,
condemnat, rediebat prospera populo Dei. Quibus
altercationibus etiam Ecclesiae statum post incarna-
tionem Domini fluctuare videmus.

(Tob. ii.) *Fatigatus a sepultura Tobias venit in
domum suam, et factus est cæcus.* Ne inire-
ris, lector, quæ aliquando bona typice malum, ali-
quando bonum mala hominum facta significant.
Quod si non liceret, nunquam nigro atramento, sed
auro semper lucido scriberetur Deus, quia lux est.
Sed etiæ uomen diaboli in calculo scribas candido,
nihilominus tenebras significat profundas. Cæcus
ergo Tobias designat quia, sicut Apostolus ait,
Cæcitas ex parte contigit in Israel (*Roman. xi*). *Fatiga-
tus est a sepultura, et cæcus,* quia qui infestabilis
in bonis operibus persistit, nunquam fidei luce
privatur. Jacet spiritualiter, et dormit fatigatus, qui
vigilare et stare in fide, viriliter agere, confortari
neglit. Cui bene congruit illud apostolicum: *Surge
qui dormis, et exsurge a mortuis, et illuminabit te
Christus* (*Ephes. v*). Hirundines propter levem vo-

A latum, superbiam, cordisque levitatem figurant,
quarum immunditia confessim eos, quibus domina-
tur, excœcat. Quasi enim nido hirundinum supposi-
tus dormit, qui levitati, lasciviam ac superbiam men-
tem incautus subjicit. Ilæc autem cæcitas populo
Israel, maxime imminentे adventu Domini in carne
prævaluit, cum et Romanæ servitutis jugo preme-
rentur, et legis divinae præcepta pessime vivendo
violarent.

*Insultabant Tobiae cognati, exprobrabat et uxor,
quasi frustra Deo servisset. Quos increpans ille, et
instruens, ad Deum se orando convertit.* Erant in
populo illo quidam qui stulta temeritate ipsius po-
puli miseriis insultarent, quæ a felicitate prisca
sanctorum patrum, qui apud eos quondam Deo sub-
limiter serviebant, jam luce distaret. Quos idem
populus per doctores quoque et electos suos corri-
gere sedulus curabat, seseque ad implorandum Dei
clementiam pro æternæ vita perceptione convertebat.
Nec ab re debet videri, quæ idem Tobias et cæcus,
et verbum Dei prædicens, reprobos simul et electos
significare dicitur. Nam et Jacob patriarcha, cum an-
gelo, iactans et claudus pariter est factus et bene-
dictus; in claudicatione videlicet infideles suæ gen-
tis significans, in benedictione fideles.

(Tob. iii.) *Sara filia Raguelis in civitate Medorum,
quæ tradita erat septem viris, et dæmonium eos occi-
debat, mox ut ingrediebantur ad eam. Turbam nationum
figurate denuntiat, cuius doctores cuncii hujus
tantum saeculi, quod septem diebus volvitur, vitam
noverant, de æterna nil dicere sciebant.* Ideoque
sunt omnes a diabolo rapti, ut pote idolatriæ man-
cipati, donec verus adveniret sponsus Dominus
noster, qui hanc sibi per fidem, hoste superato, con-
junxit; sicut Tobias Saræ alligato dæmonio spon-
sam accepit, præcipiente et cooperante archangelo,
per quem divinitas nostri Salvatoris non incongrue
significatur, sicut per Tobiam humanitas. Nec mira-
bitur hoc quod duas personas, angeli videlicet et
hominis, unam Mediatoris Dei et hominum perso-
nam, dicimus figurari, qui in expositionibus Patrum
venerabilium legerit unam ejus personam pro mundi
salute patientis in Isaac, qui offerebatur a patre in
altari, et in ariete, qui immolabatur, esse figurata. D
Qui in humanitate occidebatur ut ovis, in divinitate
impassibilis, permanet cum Deo Patre, ut vivens
cum suo patre domum revertitur Isaac. Si enim ap-
aries humanitatem Christi, homo designat deitatem;
cur non multo aptius homo humanitatem, angelus
deitatem significet?

*Missus est ergo angelus Domini sanctus Raphael,
qui interpretatur medicina Dei, ut et Tobiam acœcitate,
et Saram a dæmonio liberaret. Missus est Dominus in
mundum, qui de seipso ait, Non est opus valentibus
medico, sed male habentibus* (*Luc. iv*); qui et popu-
lum Iudaicum a tenebris perdidicæ, et gentilitatem
ab idolatriæ servitute redimeret. De quo disiit
propheta: *Et vocabitur nomen ejus Magni consili
angulus* (*Esa. ix*).

(Tob. v.) Apparuit angelus Tobiae, eique se socium præbuit, per quem magnalia populo ad quem missus erat perficeret. Et Filius Dei hominem assumpsit, in quo visibiliter cum hominibus conversatus, humatum genus salvaret.

Introduxit Tobias angelum ad patrem suum, qui salutavit eum, dicens: *Gaudium tibi sit semper. Cui respondentи: Quale mihi gaudium erit, qui in tenebris sedeо, et lumen cœli non video? Forti, inquit, animo esto, in proximo est ut a Domino cureris.* Et Dominus noster per miracula quæ fecit in carne, ostendit populo Iudeorum, ex quo carnem suscepérat, quia ipse est Filius Dei, et angelus, id est, nuntius paternæ voluntatis. Cui etiam gaudium perpetuæ salutis prædicavit, dicens: *Pænitentiam agite, appropinquabit enim regnum cœlorum* (Matth. iii). Et desperantibus de acquirendo lumine cœlesti: *Ego sum, inquit, lux mundi; qui sequitur me, non ambulat in tenebris, sed habebit lumen vitæ* (Joan. viii).

Promittit angelus Tobiae ducere filium ejus in Rages civitatem Medorum, et reducere ad eum. Promittit Dominus credentibus ex populo Iudeorum, quamvis idem populus ex magna sit parte cœcatus, quod incarnationis sua sacramenta plebi gentilium aperiat, rursumque in fine temporum, eadem suo populo ex quo carnem assumpserat, latius pandat, comitante ubique simul et cuncta operante fide divinitatis ipsius. Dicit ipse de ductu ad Medos: *Et alias oves habeo, quæ non sunt ex hoc ovili, et illas oportet me adducere, etc.* (Joan. x). Dicit Apostolus de reditu: *Donec plenitudo gentium introiret, et sic omnis Israel salvus fieret* (Rom. xi).

Interrogante angelum Tobiae, unde erat: *Ego sum, inquit, Azarias Annaniae magni filius.* Azarias interpretatur adjutor Dominus, Annaniae gratia Domini. Et Dominus his qui in se credunt intimat quia ipse est quem venire desiderans propheta cantabat: *Adjutor meus et liberator meus esto, Domine, ne retardaveris* (Psalm. lxix). De quo et evangelista: *Et vidimus gloriam ejus, gloriam quasi unigeniti a Patre, plenum gratiæ et veritatis* (Joan. i).

Tunc, paratis omnibus quæ erant in via portanda, fecit Tobias vale patri suo et matri, et ambulaverunt ambo simul. Apparente in carne Domino, parata sunt omnia quæ ad redemptionem mundi pertinerent, et quibus sanctæ Ecclesiae fides ac vita nutrirebet et firmaretur, donec hujus sæculi viam terminaret; id est, virtutes ejus, doctrina, tentatio, passio, resurrection, ascensio, Spiritus sancti missio, fides credentium, infidelium persecutio. Quibus in Iudea peractis ipse Mediator Dei et hominum prædicavit per apostolos populo et synagogæ, unde carnis originem suscepérat, gaudia supernæ salutis et pacis. Et his qui credere atque accipere volebant, ea per seipsum donavit, sicut ad salutem gentium in eisdem suis doctoribus venit.

(Tob. vi.) *Profectus est ergo Tobias, et canis secutus est eum.* Veniente Domino ad salvandas gentes,

A sancti prædicatores sunt ejus vestigia secuti, quia quod jussit, impleverunt: *Exentes docete omnes gentes* (Matth. xxviii). Denique domum Cornelii primo ipse Dominus Spiritu sancto replevit, ei sic Petrus aqua perfundit (Act. x). Canes autem vocantur doctores; quia domum, substantiam, oves sui Conditoris spirituales, a suribus bestiisque, id est, ab immundis spiritibus et hominibus defendunt hereticis.

Mansit Tobias, duce angelo prosector, prima mansione juxta fluvium Tigrin; et exiit ut lavaret pedes suos, et ecce piscis immanis exiit ad devorandum eum. Hic denuo passionis dominice sacramentum manifestius significatur. Piscis enim immanis, qui a Tobias, cum eum devorare appeteret, angelo docente occisus est, antiquum generis humani devoratorem, B hoc est diabolum designat, qui dum in Redemptore nostro mortem carnis appeteret, captus est potentia divinitatis. Fluvius Tigris, qui propter rapidissimum cursum a tigride bestia velocissima nomen accepit, decursum nostræ mortis ac mortalitatis indicat. In quo piscis latebat immanis, quia invisibilis humani generis seductor mortis habebat imperium. Mansit Tobias juxta Tigris fluentia, quia Dominus in mundo apparet, inter peccatores ac mortales vitam duxit, sed eum nec peccati unda tetigit, neque in illo suum aliquid adveniens princeps tenebrarum reperit. Exiit autem Tobias in fluvium, ut lavaret pedes suos; et Dominus mortem, cui nihil debebat, suscepit, ut fideles omnes, sua videlicet membra, a contagio peccati et mortis ablueret. Occurrit Tobias pisci, devorare illum cupiens; et Domino passo in cruce venit diabolus, qui eum crucifixi docuerat, quaremsi quid forte in ejus anima sceleris inventaret.

Expavescens pisces Tobias clamavit voce magna, dicens: Domine, invadit me. Et Dominus, imminentis mortis articulo, coepit pavere et tædere, non diabolum pertimescens, sed mortem, quæ iræ diaboli intravit in orbem terrarum (Sep. ii), naturali carnis fragilitate perhorrescens; unde et orabat, ut, si fieri posset, transiret ab eo hora (Marc. xii). Et dixit: *Abba Pater, omnia tibi possibilia sunt, transfer calicem hunc a me; sed non quod ego volo, sed quod tu* (Luc. xii).

Dixit angelus Tobiae, *Apprehende branchiam pisces, et trahere eum ad te.* Apprehendit Dominus diabolum, et eum qui se in morte capere voluit, moriendo cepit et vicit. Apprehendit autem branchiam ejus, et caput nequissimum a corpore decepto, potentiam sua dextera separare, id est, nequitiam hostis antiqui ab eorum quos sibi male conjunxerat, et quasi unum corpus secum fecerat, corde auferret, et hos ecclesiæ suæ corpori prius Redemptor insereret. Branchiam quippe habet pisces in consilio capitum et corporis sui. Sicut autem Dominus noster caput Ecclesie sua, Ecclesia vero corpus est ejus; ita diabolus caput omnium iniquorum, et omnes iniqui corpora et membra sunt ejus. Apprehendit ergo Dominus branchiam pisces immanissimi, et traxit eum ad se, projectique in siccum, quia potentiam diaboli communueas, tra-

duxit palam confidenter, eruitque de potestate tenebrorum, quos filios lucis esse præscivit.

Quod cum fecisset, palpitate cœpit in sicco ante pedes ejus. Cum Dominus nequitiam maligni hostis superans proferret in lucem, atque omnibus redderet manifestam, molitus est adhuc superbians persecutio[n]em electis ejus commovere, qui sunt pedes ejus; quia per ipsos ambulat in terra Dominus qui super omnia regnat in cœlo.

Tunc dixit ei angelus Domini, Exentera hunc pīscem, etc. Exenteravit Dominus pisces, cum nequitiam diaboli latius sanctis aperuit, et quasi arcana insidiarum ejus evisceravit. Reposuit sibi cor ejus, quia calliditatem ejus libris sanctis involvit; de qua scriptum est, *Serpens autem erat callidior cunctis animalibus terræ* (Gen. iii). De quo corde dixit et Paulus: *Non ignoramus cogitationes ejus* (II Cor. ii). Reposuit et fel, quia quanto malitia furore contra genus humanum sacerdotem, propter cautelæ studium scribi et conservari voluit. Jecur quoque reposuit, quia maturitatem consiliorum ejus malignam adversum nos innotescere nobis per doctores veritatis dignatus est. Ferunt enim quia calore ac virtute jecoris occulta cibi excoquuntur comedunt, et ad digestionem perveniant. Cum vero ea quæ agere disponimus, sedula cogitatione quo ordine sint peragenda exquirimus, quasi acceptos in stomacho cibos ardore jecoris excoquimus.

Sunt enim hæc necessaria ad medicamenta utiliter. Astuta et malitia diaboli hostis antiqui nobis agnita proficiunt ad medelam; quia quanto ea certius exploramus, tanto cautius declinamus.

Assavit Tobias carnes piscis, etc. Quidquid ex pisces sibi assumperunt, eos significat qui de membris diaboli in Christi membra transferuntur, id est, de infidelitate convertuntur ad fidem. Quidquid vero dimiserunt, eos econtra demonstrat, qui, auditio Dei verbo, malunt inter membra mortua ac putida sui deceptoris residere, quam in societatem Salvatoris reverti. Assavit carnes ejus in eis quos carnales invenerunt, sed igne sui amoris spirituales ac fortes reddidit. Denique Spiritus sanctus in apostolos in ignis visione descendit. *Cætera, inquit, salierunt;* quod ad doctores spiritualiter pertinet, quibus dicitur: *Vos estis sal terræ* (Matth. v). Salierunt autem, id est, Tobias et angelus; quia idem Mediator Dei et hominum, et humanitas apostolos docuit loquendo, et divinitus eis in corde salem sapientiae tribuit.

Tulerant autem secum quæ sufficerent eis, etc. Quia Dominus tantos de Iudea collegit ad fidem, qui sufficerent, ad exemplum vivendi, vel ad ministerium prædicandi, quousque etiam in gentibus Ecclesie fundamenta locaret.

Suggerit angelus Tobie, ut ingressus domum Raguel, filiam ejus Saram petat sibi uxorem. Raguel indicat populum gentium, quem Dominus per predicatorum suos visitare dignatus est; ut de ejus stirpe sibi sponsam assumere, id est, ipsam gentilitatem sibi Ecclesiam faceret. Congruit et Saræ

A nomen Ecclesie, propter Saram conjugem Abram patriarchæ, quæ genuit Isaac filium promissionis, id est, liberum Ecclesie populum. Nomen quoque Raguel, qui interpretatur pastus ejus Deus, sive amicus Deus; illum designat populum, qui, victa diaboli fraude, se suosque Domini consortio necit qui dico novit: *Dominus pascit me, et uihil mihi deerit* (Psal. xxxii). Et audire meretur: *Jam non dicam vos servos, sed amicos meos* (Joan. xv).

Tibi debetur omnis substantia ejus. Et Pater ad Filium: *Postula a me, et dabo tibi gentes hereditatem tuam, et cætera* (Psal. ii).

(Tob. vii.) *Ingressi sunt ad Raguel, qui eos suscepit cum gaudio.* Adiit Dominus populum nationum per doctores sui verbi, qui libenter accepit in plurimis locis, ut apostolorum Actus testantur.

Petitus filiam Raguel primo expavit, sciens quid provenisset illis septem viris; sed docente angelo, quia immundi eam habere non possent, Tobias autem, qui Deum timebat, posset, mox dare consensit. Audiens verbum fidei populus gentium, atque ab apostolis admonitus, ut de sua progenie per orbem Ecclesiam Christi sacerdet, non sine certa exploratione potuit novæ fidei jura legemque suscipere; sciens quod multis temporibus priscis habuit doctores, qui omnes quasi septenario numero comprehensi, bujus solum vitæ gaudia noverant, de æternis nihil certum dicebant, ideoque illos absque spe vitæ immortalia, æternæ mortis rapuisse interitus. Sed docente intrinsecus ipsa veritate, quæ foris per doctorum ora sonabat, tandem intellexit quia necesse esset ut stulta dicerent stultū, perirentque hi qui Dominum verum non noverant; jure autem mundi Conditor in mundum veniens, in mundi regimen susciperet. Et fidem confessus Christi, ejus se sacramentis sanctificari gaudebat.

(Tob. viii.) *Introductus Tobias ad Saram in cubiculum, protulit de cassidili suo partem jecoris, etc.* Et Dominus accepturus Ecclesiam de gentibus, in primo dispositionis ejus initio jubet eam in singulis credentibus abrenuntiare Satanæ, et omnibus operibus ejus, et omnibus pompis ejus; ac deinde confiteri fidem sanctæ Trinitatis in remissionem peccatorum, quod est intima pacis viscera vivis cremare carbonibus.

Quibus actis angelus apprehendens dæmonem ligavit. Quia post abrenuntiationem diaboli, post confessio[n]em recte fidei, sequitur remissio peccatorum, expulso dæmonio per aquam baptismi. Ligavit autem eum, quia a fidelium læsione retinuit; quos etsi tentare aliquoties permittitur, ut probentur, superare tamen prohibetur ne a fide deficiant.

Ligavit eum in deserto superioris Ægypti. Et desertum et Ægyptus insidēlum corda significant, quæ et deserta, id est, derelicta sunt a Deo, cuius inhabitatione sunt indigna. Et hæc eadom sunt iuxta interpretationem nominis Ægypti, perfidia sua tenebris obscurata. Nec immerito qui deseritur a gratia divina lucis, repletur a principe tenebrarum. Apprehensum

ergo angelus dæmonem, qui Tobiam occidere cupiebat, ligavit in deserto superioris Ægypti; quia cohibitum a raptu fidelium, qui membra sunt sui Redemptoris, idem Dominus et Redemptor noster dialbum infidelibus tantum dominari permittit. In quibus etiam ligatum tenet eum; quia nec ipsos quos possidet impios, tantum lædere sinunt, quantum insatiabili furore desiderant.

Interea circa pullorum cantum timens Raguel, ne forte occisus esset a dæmons Tobias, fudit s'pulcrum cum servis; sed hoc confestim agnita sospitate illius, jussit terra repleri. Cantus pullorum sonus est prædicantium, qui cum mane dienque verum fiduci mundo post tenebras erroris adsuturum canerent, erant quidam in populo gentium, qui dubitarent an vere Dominus hostem viesset antiquum, ideoque fidem nominis ejus obruere atque abscondere satius testimarent; qui tamen postmodum agnita luce veritatis, quasi aurora procedente et crebrescente pullorum cantu, id est, voce doctorum, qui ad superna desideria alacri cordis volatu se levare consuerunt, omne nubilum dubitationis sua de mente pepulerunt, ac veraciter Christum, hoste prostrato, sponsum esse sanctæ Ecclesiae cognoverunt.

*Lætatus Raguel de vita Tobiae, et de conjunctione ac nuptiis filiæ sue, fecit occidi duas vaccas pingues, et quatuor arietes, et parari epulas omnibus vicinis suis, cunctisque amicis suis. Lætatus de fide Christi populus gentium, et de vocatione gentilitatis ad Deum, tantum proficiebat in Domino, ut etiam de ejus numero doctores fierent, iidemque postmodum et martyres existarent. Qui vaccæ utique sunt, quia jugum Evangelii leve gestant; quia eos quoque, qui ut ad portandum idem jugum proficiant, prædicando gignunt et nutrunt. Sunt et arietes, quia patres et duces sunt populorum, de quibus dicitur: *Afferte Domino filios arietum* (Psal. xxviii). Sunt autem pingue vaccæ, quia superna delectationis gratia sunt referti doctores. De qua Psalmista precatur: *Sicut adipice pinguedinis repleatur anima mea* (Psa. lxii). Sunt dues vaccæ occisi, quia quicunque pro Christo, vel ipsi corpus suum sponte mortificant, ut hostia viva flant, vel in manus infidelium tradunt occidendum: tales nimurum per arma iustitiae, a dextris et sinistris, id est, in prosperis et adversis, contra hostem stare didicerunt. D sunt quatuor arietes occisi, quia sancti doctores et martyres quatuor libros sancti Evangelii fide et operatione conservant, quia quatuor virtutibus primis, prudentia, fortitudine, temperantia, justitia, mununtur; quia per orbem universum, qui quatuor plagiis distinguitur, gregem Christi instituunt. Fecit Raguel vaccas et arietes occidi, quia populus gentium tale eos qui de sua stirpe ad fidem venerant, esse docuit, quos præminentia virtutis hostis tentare appetebat, nec tentatos vinceret, sed victores posset facere martyres. Vel certe ipse fecit occidi, quos carnem suam pro Christo cum vitiis et concupiscentiis crucifigere docuit. Quarum occisione parvit epulas omnibus vicinis suis, quia profectus, vita,*

A passio et corona sanctorum, multis letitiam tribuunt, et quasi epulas, ex quorum reficiuntur exemplis, accipiunt.

Et adjuravit Raguel Tobiam, ut duas hebdomadas moraretur apud eum. Adjuramus et nos Dominum nostrum, orantes ut nobiscum maneat, donec perfectionem sanctæ requiei per Spiritus sancti gratiam consequamur, qua requiescamus a servilibus actibus, id est, peccatis in corpore, et a pravis cogitationibus in mento; et requiescat in nostro corde et corpore ipse qui ait, Super quem requiesceret spiritus meus, nisi super humilem et quietum et tremorem sermones meos?

(Tob. ix.) *Petit angelum Tobias, ut assumens animalia sive servilia vadat ad Gabelum in Rages Medorum, reddatque ei chirographum suum, et recipiat ab eo pecuniam, rogetque eum venire ad nuptias ejus, et annuit. Petunt Dominum fidèles, membra videlicet ipsius, ut assumat aliquos de creditibus, eisque verbi prædicandi negotium committat, et ipse in eis veniat ad colligendas in fidem suam nationes que needum fidei mysteria suscepunt, sed tam famam audierunt; eisque concedat propitiis, ut talentum verbi quod fama didicerunt, per fidei obedientiam reddant; et ipsi quoque ad nuptias sanctæ Ecclesiae, in quibus sponsus est Christus, in quibus vinum de aqua novum fecit, id est spiritualem legi dat intelligentiam, credendo et recte vivendo aggregentur. Nec abnuit Dominus, sed bene rogantium vota suscipiens, novos quotidie populos in Ecclesiam cogit. Potest, ut supra dicitur, de his spirituiter intelligi nationibus, que litteram legis per LXX translatores acceperunt: et ideo citius fidem suscipere valebant, utpote quam in libris notis tenebant.*

Assumens ergo Raphael quatuor ex servis Raguelis, et duos camelos, in Rages Medorum percessit; et indicans ei cuncta de Tobia, recepit pecuniam, cumque secum ad nuptias fecit venire. Servi Raguel et cameli prædicatores sunt de gentibus electi, per quos Dominus et alios colligit. Servi, quia servient necessitatibus eorum quibus evangelizant. Cameli, quia et onera infirmitatis eorum fraternæ subjectione charitatis portant. Quare autem quatuor servi et cameli sunt duo, supra monstratum est, ubi vaccæ duæ, et quatuor occiduntur arietes. Tales adjuvante Raphael producunt Gabelum ad nuptias Tobiae, cum in unitatem Ecclesiae Christi novos populos, ipso divinitate opitulante, sancti prædicatores aggregant.

(Tob. x.) *Moras faciente Tobia nuptiarum causa, contristati sunt parentes ejus, quod non die constituta revertere se ad eos. Et nunc morante Christo per fidem in Ecclesia congregata de gentibus, quicunque singillatim de Iudeis ad fidem illius converteruntur, multum dolent animo; quia tardat Dominus venire ad salvandas eos, retentus in gentibus. Quibus bene congruit, quod mater ejus pauper, et quasi viro simul ac filio orbata, multo cum dolore dicebat:*

Hen, hen, fili mi, ut quid te misimus p'regrinari

Sed quibuscumque eorum ablata fuerit erroris caligo, agnoscent quia Christus jam venit, et mundum suo sanguine redemit. Quibus apte congruit quod se-
quitur :

Quia, visu recepto, glorificabat Deum Tobias cum uxore sua, et omnes noti ejus, dicens, Benedico te, Domine Deus Israel, quoniam tu casti gasti me, et tu salvasti me, etc. Septem dies lucem gratiae spiritualis, qui septiformis accipitur, insinuant. Post septem ergo dies, illuminato Tobias, ingreditur uxor filii ejus, quia postquam Hlaminata fuerit Judea per fidem, postquam gratiam sancti Spiritus acceperit, Ingredietur ad eam Ecclesia, ut sit unum ovile et unus pastor, sitque una domus Christi uno anguli lapide firmata.

Ingressa sunt et pecora et camelii, et pecunia multa uxoris. Multæ fidelium personæ, multæ virtutes Ecclesie tunc in populum Judæorum congregantur.

Sed et illa pecunia, quam receperat a Gabelo. Scientia quoque Scripturarum, quas aliquando gentibus commodabant, tunc eidem redditur.

Venerunt consobrini Tobias, congratulantes ei de omnibus bonis quæ illi fecit Dominus, et per septem dies epulati sunt cum eo. Hoc est quod in cantico Moyses dixit : *Lætamini, gentes, simul cum populo ejus (Rom. xv).* Septem dies epulantur simul; quia in donis spiritualibus et virtutibus gaudent. Rediturus ad cœlum angelus, apertius illis quis sit ipse, et quare venerit, quodque sit reversurus ad Deum, exponit. Et Dominus eidem populo tunc proficiens tatus sua cognitionis munera patescit, aperiens et ostendens omnibus, quia ipse in Patre, et Pater in ipso est. Redit ergo angelus ad Deum, remanet apud patrem Tobias. Et Dominus ab electis intelligitur, in divinitate Patri æqualis, humanitate nobis consubstantialis.

(Tob. xiii.) *Tunc aperiens os suum senior Tobias, benedixit Deum.* Confessus severitatem et misericordiam ejus, simul et admonens fidèles ejus beneficia semper prædicare, ejus flagella pertinescere; imbutusque spiritu prophetæ, de superna Ierusalem matre nostra multa per laudem decantat. Et populus Judæorum conversus in sine sæculi ad fidem, multos habebit doctores et propheticos viros, qui mentes proximorum ad superna desideria accendant, dum Deis cœlestis patris gaudia perpetua, crebra voce resonant.

(Tob. xiv.) *Tobias senior in hora exitus sui vocavit ad se Tobiam filium suum, et septem filios ejus nepotes suos, dixitque eis, quia prope esset interitus Ninive, et instauratio Israel.* Et tunc in Judæa doctores quippe fidèles et justi hoc videntes, hoc exituri de mundo suis propinquos admonent, quia inundus jam propinquet ad finem, et futurae vitæ bona proxime sint ventura. Monent autem hoc eos maxime, quos per Domini gratiam renatos, et Spiritus septiformis esse munere repletos aspiciunt; quod est esse filios Tobias Junioris in numero septenario, et hos juvenes, hoc est, fortis in fide et vincentes malignum.

A *Dirigit gressus vestros, ut exeat de Ninive.* Video enim, quia iniqüitas ejus finem dabit ei. Et hoc est dicere fidelium suis auditoribus : *Dirigit intentionem cordis vestri, ut bujus sæculi terrenæque conversationis desideria relinquatis, et tota mente cœlestia petatis.* Constat enim, quia tanta est pravorum multitudo, tanta præceptorum Dei transgressio per orbem, quæ non aliter nisi orbis ipsius exterminio, sicut quondam in diluvio totiusque generis humani abolitione possit terminari.

B *Abcessit ergo Tobias ex Ninive cum uxore sua et filiis et filiorum filiis, et reversus est ad sacerdos suos, et inuenit eos in senectute bona.* Hoc quotidie facit Dominus, hoc usque ad finem sæculi facturus est, cum derelictis eis quos suos non esse cognoscit, ad

illorum corda visitanda et illustranda convertitur, quos ad vitam prædestinavit æternam. Hos enim in senectute bona invenit, cum bonis operibus diu studuisse se donante lætatur. Alioquin in mala senectute videt, et idcirco præterit eos, qui [longe a] divinis viventes non maturi sunt consilio, non candore bona actionis quasi canitie venerandi, sed viliorum sunt onere incurvi. De qualibus dicit Isaías : *Centum annorum morietur puer, et peccator centum annorum maledictus erit (Isa. Lxv).* Merito pro peccatis suis maledictioni subjecbit, qui cum multis annis vixerit, puerilis tamen animi levitatem nunquam deserere curavit.

C *Invenit eos in senectute bona incolumes, etc.* Et Dominus ac Salvator noster curam agit eorum quos in bonorum operum incolumitate persistare cogno-
rit. Ipse intuitum cordis eorum a præsentis vita delectatione claudens, ad contemplationem perpetuae lucis attollit. Ipse illos post bujus vitæ terminum ad cœlestia perducit. Ipsius est hereditas, de qua ei canitir a propheta : *Exsurge, Deus, judica terram, quoniam tu hereditabis in omnibus gentibus (Psal. Lxxxi).*

Et compleatis in timore Domini annis plurimis cum gaudio, sepelierunt eum omnes cognati ejus. Sepul-
tura Tobias, fidem totius mundi designat, quando Dominus noster cum toto corpore suo, quod est Ecclesia quam redemit, in requiem intrat æternam, congratulanq[ue]bus angelis de societate hominum redemptorum, et singulos quosque, membra videlicet sui Conditoris, per diversas supernæ patriæ maniones, pro meritorum diversitate collocantibus

*Et omnis generatio ejus in bona vita et sancta con-
versatione permanuit.* Hoc est, una per totum orbem, totumque sæculi tempus generatio, querentium Dominum, requirentium faciem Dei Jacob (Psal. xxii). De qua item dicit : *Generatio rectorum benedi-
cetur (Psal. cx).* Quæ est autem vita melior, quæ sanctior conversatio, quam in gloria sui Con-
ditoris perpetuo manere ?

*Ita ut accepti essent iam Deo, quam cunctis habi-
tatoribus terræ.* Perducti ad patriam cœlestem homi-
nes, accepti erunt Deo, cuius gratia sunt redempti.
accepti erunt ei angelis, quorum numerum comple-

lumen oculorum nostrorum, baculum senectutis nostra, etc. Quodque Tobias consolans eam, respondet: Tace, et noli turbari, sanus est filius noster, etc., eisdem ipsis qui nunc de Judæis credunt, convenit; qui se suosque in hoc adhuc consolantur, quod vere futurum sit tempus, quando revertatur ad eos Dominus, et tunc omnis Israel salvus fiat; scientes, quia satis fidelis est Dominus, qui hoc promisit. Sicut enim supra docuimus, idem Tobias et per exercitatem suam incredulos, et per fidem credentes more Scripturis usitato designat.

Rogat Tobiam Raguel ampliore tempore manere secum, nec auditur, dicente Tobia: Ego novi, quia pater meus et mater mea modo dies computant, et cruciatür spiritus eorum in ipsis. Et cum plenitudo gentium intraverit, nullus poterit prohibere Deum, qui in Israel salutem tribuat, cœcitatatemque ejus, quæ ex parte facta est, auferat. Recordatur enim divina clementia, quoniam tristitia est magna, et continuus dolor cordis credentibus ex Judæis pro exercitate incredulorum, qui sunt cognati eorum secundum carnem, qui sunt Israelitæ.

Dimisit ergo Tobiam Raguel ad parentes suos, tradens ei Saram cum multa substantia. Remittunt in fine doctores Ecclesiæ Christum, cum ipsa Ecclesia virtutum divitiis plena, ad illustrandum fidem, ditan-damque bonorum operum substantia gentem Judæorum, ex qua carnem assumpsit.

(Tob. xi.) *Præcessit angelus et Tobias ad parentes ejus; deinde secula est uxor ejus cum substantia et familia ejus. Postquam illuminator pater præcedit di-vina gratia ad illuminandam cœcitatatem populi Judæorum, atque in suis litteris Christum verum Deum atque hominem esse cognoscunt, et post agnitionem rectæ fidei, quasi viso angelo et filio suo, quos diu non viderant, multum gaudentes; sic tandem se sanctæ Ecclesiæ, que est de gentibus congregata, participatione mysteriorum cœlestium jungunt.*

Appropinquabit domui præcurrit canis, qui simul fuerat in via, et quasi nuntius adveniens blandimento suæ caudæ gaudebat. Non contemnenda est figura canis hujus, qui viator et comes angeli est. Doctores ergo, sicut et supra docuimus, exprimit Ecclesiæ, qui sëpe consilendo cum hæreticis, lupos graves a Pastoris summi fugant ovili. Quibus bene congruit, quod canibus naturale est, beneficia rependere gratiam, et sollicitas excubias pro domiuorum salute prætendere. Præcurrit ergo canis; quia prius salutem prædicat domui, deinde Dominus illuminator corda mundi. Et pulchre dicit quasi nuntius adveniens, quia nimirum doctor quisque fidelis nuntius est veritatis; pulchre, blandimento suæ caudæ gaudebat: cauda quippe, quæ finis est corporis, finis bona operationis, id est perfectiouem, vel certe mercedem, quæ sine fine tribuitur, insinuat. Blandimento ergo caudæ gaudebat canis, cum tecta dominorum, quibus diu aberat, reviseret. Gaudent doctores de affectu sui operis, cum Judæam per suum ministerium a Domino recolligendam intelligent.

A Gaudent de præmii perceptione vite sempiternæ, et de hoc eodem præmio cunctis electis communi, corda eorum, quibus prædicant, exhilarant, dum eis adventuram confessim Christi gratiam promittunt.

Annuntiante igitur cane venisse Tobiam, exsurgens cæcus pater ejus cœpit offendens pedibus currere. Audito a doctoribus verbo salutis, exsurrexit populus Hebræorum de longo persidiae suæ veterno, currit amore ad Dominum; quamvis offendens gressibus operum, donec plenitudo fidei et operationis bona, lucem recipiat regeneratus in Christo, et instructus.

Et data manu puero, occurrit obviam filio suo. Bat manum puero cæcus, ut inoffenso pede operis Domini occurrat; qui etsi ipse necdum viam fidei plene intelligit, ei tamen qui lumen veritatis bene cognovit, B assensum præbere, qua ad Dominum perveniat, satagit.

Et suscipiens osculatus est eum cum uxore sua, flentesque præ gaudio. Suscipiens cum gaudio Iudea in fine copulam Christi, junxit et fletum: gaudens, quia credit; doleus, quia tam sero ad Dominum pervenit.

Tunc sumens Tobias de felle piscis, linivit oculos patris sui. Et Dominus credentibus revelat apertius, quanta est malitia draconis antiqui, qui illum in passione quandam devorare gestiebat; sed per hoc ipse potius occisus, sua membra, id est, eos quos antea tenebat, amisit.

Cœpit ex oculis Tobiae quasi membrana ori albugo egredi, postquam linii sunt de felle piscis, et visum recepit. Et Judæorum populus, postquam amarissimam nequissimi hostis malitiam cognoverit, amissam recipiet lucem. Albugo, quæ obsederat ejus oculos, stultitiam sibi met placendi designat. Habet enim zelum Dei, sed non secundum scientiam (Rom. x). Et sicut iterum dicit: *Suam justitiam volentes con-stituere, justitiae Dei non sunt subjecti* (Ibid.). Pupilla enim nigra videt, alba tenebrescit. Et qui sibi sapientes videntur, dicentes: *Nunquid et nos cœci sumus* (Joan. ix)? in his veritas non est. Qui autem suæ fragilitatis et ignorantiae concisi dicere norunt, Deus meus, illumina tenebras meas (Psal. xvii); hi luce vitae sunt fructuri in Domino. Bene autem albugo quasi membrana erat ovi, per ova quippe spes designatur; quia videlicet nondum vivum est, nondum animans est, sed separatur a volucre, quæ hoc posuerat, quando vivat, procedat, currat, volet. Et Apostolus ait: *Si autem quod non videmus sper-mus, per patientiam exspectamus* (Luc. xi). Unde et in evangelica parabola sub nomine panis, piscis, et ovi, tres summæ virtutes, fides scilicet, spes, et charitas exprimuntur. Habet ergo populus Judæorum adhuc velamen ante faciem cordis, ut non intelligat gratiam Christi. Habet albuginem, quia sibi met placendi et justus præ omnibus videtur. Sed habet eamdem albuginem quasi membranam ovi; quia cœcitatatem sustinet mentis, sub spe stultissima et supervacua nascituri in carne Christi, atque eos liberatur eiisque regnum magnum daturi per orbem.

bunt, quibus in perpetuum fraterna sunt societate A possidebunt terram (*Matth. v.*) ; quam videre desiderans Psalmista dicebat : Credo videre bona Domini in terra viventium (*Psalm. xxv.*).

Hic erat locus commentariorum in librum Job, quos nonnulli Ven. Bedæ attribuerunt; cum vero proprius eos dederimus inter S. Hieronymi opera, Patrologiæ tomo XXIII, ibi videsis, lector, quæsumus.

SUPER PARABOLAS SALOMONIS ALLEGORICA EXPOSITIO.

LIBER PRIMUS

CAPUT PRIMUM.

Parabolæ Salomonis, etc. *Parabolæ Græce*, Latine dicuntur *Similitudines*; quod hunc libro vocabulum Salomon ob id imposuit, ut sciremus altius, et non juxta litteram, intelligere quæ dicit; in quo Dominum significat per parabolas turbis suis aliquando locuturum. Sicut etiam proprio nomine, et pacifico regni sui statu, regnum Christi et Ecclesiæ perenne denuntiat; de quo scriptum est : *Multiplicabitur ejus imperium, et pacis non erit finis; super solium David et super regnum ejus* (*Isa. ix.*). Sicut templi constructione ac dedicatione, ædificationem Ecclesiæ sanctæ, quæ tempore resurrectionis in æternum dedicabitur, insinuat. Nam et ipse filius esse David, et rex spiritualis Israel, etiam turbarum testimonio, quæ ei Hierosolymam venienti, cum palmarum ramis et laudibus occurrere declarantur (*Matth. xxi.*). Notandum autem, quod Vulgata editio pro *Parabolis*, quæ Hebraice *Missa vocantur*, *Paræmias*, id est, *proverbia* dicit. Sed nec ipsum nomen abhorret a vero. Quæ enim parabolæ recte nuncupantur, quia occulta sunt, possunt non incongrue etiam proverbia vocari, quia talia sunt, quæ merito sapientiæ in ore colloquientium versari, ac memoria debent retineri. Nam et proverbia plerumque tam obscure dicuntur, ut non immerito eadem possint etiam parabolæ nomine notari, Domino attestante, qui ait : *Hæc in proverbiis locutus sum vobis. Venit hora cum jam non in proverbiis loquar vobis, sed palam de Patre annuntiabo vobis* (*Joan. xvi.*). Quid autem utilitatis Parabole Salomonis conseruant, sub incremento tituli monstratur, cum subditur : — *Ad sciendam sapientiam*, etc. Sapientiam autem et disciplinam scire est quomodo recte credere, qualiter se vivere oporteat, quemque veraciter didicisse, quo intentionem cordis dirigere, et quid operando gerere convenient, nosse. Quod autem adiungit : — *Ad intelligenda verba prudentiæ*, etc. Monet eos quos imbut, ut non solum sapientiam, quam semel ipsi percepient, amplecti, et discipline virtutem, quam cognoverint, scient inservire, sed etiam verba prudentiæ, quibus ad perfectionem prof-

B ciant, libenter auscultare, et hæc solerter intelligere carent. — *Justitiam, et judicium*, etc. Justitia est, in eis que secundum regulam veritatis bene operamur; judicium, in illis que recta discretione cum proximi agimus. *Æquitas* in eo quod cum sincera intentione Deo soli, in his quæ recte gerimus, vel judicamus, placere contendimus. — *Ut detur parvulis astutia*, etc. Parvulos dicet eos qui nuper sapientiæ aurem accommodare cœperunt; adolescentem, qui aliquantum jam in ejus auditione proficit. Et ideo fortasse parvulos plurali numero, adolescentem appellat singulari, quia doctrina sapientiæ, quos diversis animi motibus, diversis vivendi moribus deditos suscipit, in viam virtutis perfectiorem erudiendo provehit. De quibus jure dicatur : *Multitudinis credentium erat cor unum et anima una* (*Act. iv.*). *Ut detur*, inquit, *parvulis astutia*. Hæc etenim rudibus est et incipientibus necessaria, per quam sophismatum dignoscere et cavere versutam possint, ne falsorum fraudidos argumentorum abducant a simplicitate veræ sapientiæ, quæ ducit ad vitam. Adolescenti scientia et intellectus, quia qui prudenter declinat falsa, consequenter scita veritatis percipiet. *Hactenus prætitulatio*; hinc jam ipse textus Parabolæ incipit. — *Audiens sapiens, sapientior erit*. Quia sapientiæ amator exstitit Salomon, qui, optione sibi data, sapientiam petiit et accepit, pulchre initium Parabolæ suarum a sapientia sumit. Quod autem ait : *Sapientem, cum audierit verbum, sapientiorem effici*, ostendit neminem in hac vita ita sapientem fieri posse, cu D jus sapientia nequeat augeri, semperque moris esse sapientium ut dictis majorum, et aliquando etiam minorum, auscultent; quidquid in eis utilitatis audièrent, ad se replicent suoque in corde recordentur. Denique audivit sapiens minor majorem, regina Saba Salomonem, et sapientior reddit (*III Reg. x.*). Audivit Moyses socerum multo inferiorem, et sublimior ac sapientior redditus est (*Exod. xviii.*). Audierunt discipuli Christum, et spiritum sapientiæ percipere meruerunt. Audivit Nicodemus, audivit Gamaliel, audivit discipulus ejus, Iudeus Saulus, nunc